



卷三十四

書名 史記一百三十卷 慶長元和間古活字印本
 撰者 漢 司馬遷 撰，劉宋 裴駰 集解，唐 司馬貞 索隱，唐 張守節 正義
 卷 卷三十四
 內容分類 史-正史-分刻-史記
 索書號 貴重-30
 編號 B1112300

[彩色首頁1](#)
[彩色首頁2](#)

[東洋文化研究所漢籍目錄 編號: B1112300](#)
[東洋文化研究所漢籍目錄所藏漢籍善本文影像資料庫 索書號: 貴重-30](#)
[漢籍善本文影像資料庫文本史記一百三十卷 慶長元和間古活字印本](#)
 版權所有: [東京大學](#) [東洋文化研究所](#)
[使用上的注意事項](#)

三皇本紀

補史紀
小司馬氏撰并注

小司馬氏云太史公作史記古今君臣宜應上自開闢下迄當代以為一家之首尾今闕三皇而以五帝為首者正以大戴禮有五帝德篇又帝世皆叙自黃帝已下故因以五帝本紀為首其實三皇已遞載籍罕備然君臣之始教化之先既論古史不合全闕近代皇甫謐作帝王代紀徐整作三五歷皆論三皇已來事斯亦近古之一證今並採而集之作三皇本紀

雖復淺近聊補闕云

大皞氏風姓代燧人氏繼天而王母曰

世職不渝 降及孝公 穆仲致譽

隱能讓國 春秋之初 丘明執簡

褒貶備書

魯周公世家第三

史記三十三

燕召公世家第四

史記三十四

召公奭與周同姓姓姬氏

燕周曰周之支族食邑於召謂之召

公○索隱曰召者畿內菜地奭始食於召故曰召公或說者以為文王受命取岐州故墟

召地分爵二公故詩有周召二南言皆在岐山之陽故言南也後武王封之北燕在今幽

州薊縣故城是也亦以元子就封而次子留周室代為召公至宣王時召康公虎其後也

周武王之滅紂封召公於北燕

世本曰居北燕宋忠曰有

南燕故其在成王時召公為三公自陝以西

召公主之自陝以東周公主之

何休曰陝者蓋今弘農陝

也縣是成王既幼周公攝政當國踐祚召公疑

之作君奭孔安國曰尊之曰君陳古以告之故以名篇君奭不說

周公馬融曰召公以周公既攝政致太平功配文武不宜復列在臣位故不說以為

周公荀周公乃稱湯時有伊尹假于皇天孔安

貪寵也國曰伊尹佐湯功大至天謂致太平也鄭玄曰皇天北極天帝也在太戊時

則有若伊陟臣扈假于上帝巫咸治王家孔安

國曰伊陟臣扈率伊尹之職使其君不隕祖業故至天之功不隕巫咸治王家言其不及

二臣馬融曰道而至于上帝謂奉天時也鄭玄曰上帝大微中其所統也在祖乙

時則有若巫賢孔安國曰時賢臣有如在武比巫賢也賢咸子巫氏

丁時則有若甘般孔安國曰高宗即位之後有傳說率維

茲有陳保又有殷徐廣曰一無此九字駟案王肅曰循此數臣有陳列

之功安於是召公乃說召公之治西方甚得

兆民和召公巡行鄉邑有棠樹正義曰今之地志云召伯廟在洛州壽安縣西北五里召伯聽訟甘棠之下周人思之不伐其樹後人

懷其德因立廟甘棠在九曲城東阜上決獄政事其下自侯伯

至庶人各得其財無失職者召公率而民人

至庶人各得其財無失職者召公率而民人

思召公之政懷棠樹不敢伐歌詠之作甘棠

之詩自召公以下九世至惠侯索隱曰並國史先失也又

自惠侯以下皆無名亦不言屬惟昭王父子有名蓋在戰國時旁見他說耳燕四十二代

有二惠侯一釐侯二宣侯三相侯燕惠侯當三文侯蓋國史微失本謚故重耳

周厲王奔彘共和之時惠侯卒子釐侯立是

歲周宣王初即位釐侯二十一年鄭桓公初

封於鄭三十六年釐侯卒子頃侯立頃侯二

十年周幽王淫亂為犬戎所弑秦始皇列為諸

侯二十四年頃侯卒子哀侯立哀侯二年卒

子鄭侯立索隱曰謚法無鄭鄭或是名鄭侯三十六年卒

子繆侯立繆侯七年而魯隱公元年也十八

年卒子宣侯立索隱曰譙周云系本謂燕自宣侯已上皆父子相傳故無

所疑桓侯已下並不言屬以其難明故也按今系本無燕代系宋忠依太史書以補其闕

尋徐廣作音尚引系宣侯十三年卒子桓侯

立徐廣曰古史考曰世家自宣侯已下不說其屬以其難明故也桓侯七年

卒系本日桓侯徙臨易宋忠曰今河間易縣是也子莊公立莊公十

二年齊桓公始霸十六年與宋衛共伐周惠

王惠王出奔溫立惠王弟頹為周王按春秋

傳燕與子頹逐周惠王者乃南燕姑姓也系家以為北燕失之○索隱曰譙周云據左氏

燕與衛伐周惠王乃是南燕姑姓而系家以為北燕伯故著史考云此燕是姑姓今檢左

氏莊十九年衛師燕師伐周二十年齊伐山戎傳云執燕仲父三十年齊伐山戎傳曰譙

山戎以其病燕故也據傳文及此記元是北燕不疑杜君妄說仲父是南燕伯為伐周故

且燕衛俱是姬姓故有伐周納土之事若是姑燕與衛伐周則鄭何以獨伐燕而不伐衛

乎十七年鄭執燕仲父而內惠王于周二十

七年山戎來侵我齊桓公救燕遂北伐山戎

而還燕君送齊桓公出境桓公因割燕所至

地予燕正義曰予音與括地志云燕留故城在滄州長蘆縣東北即齊桓公分濟

割燕君所至地與燕因築此城故名燕留使燕共貢天子如成周

時職使燕復脩召公之法三十三年卒子襄

公立襄公二十六年晉文公為踐土之會稱

伯三十一年秦師敗于殽三十七年秦穆公

卒四十年襄公卒桓公立桓公十六年卒索隱

日譙周云系家襄伯生宣公無桓今檢史記
並有桓公立十六年又宋忠據此史補系家
亦有桓公是允南所見宣公立宣公十五年
本異則是燕有三桓公宣公立宣公十五年
率昭公立昭公十三年卒武公立是歲晉滅
三郤大夫武公十九年卒文公立文公六年
卒懿公立懿公元年齊崔杼弑其君莊公四
年卒子惠公立惠公元年齊高止來奔六年
惠公多寵姬公欲去諸大夫而立寵姬宋大
夫共誅姬宋索隱曰宋其名或作宗劉氏云其父兄為執政故諸大夫共

滅之惠公懼奔齊四年齊高偃如晉請共伐燕
入其君晉平公許與齊伐燕入惠公惠公至

燕而死索隱曰春秋昭三年北燕伯款奔齊至六年又云齊伐北燕一與此文合

左傳無納款之文而云將納簡公晏子曰燕君不入矣齊遂受賂而還事與此乖而又以款為簡公簡公後惠公四代則與春秋經傳不相協未可強言也燕立悼公

悼公七年卒共公立共公五年卒平公立晉
公室卑六卿始彊大平公十八年吳王闔閭
破楚入郢十九年卒簡公立簡公十二年卒

獻公立

索隱曰王邵按紀年簡公後次孝公無獻公然紀年之書多是為謬聊記

耳晉趙鞅圍范中行於朝歌獻公十二年齊

田常弑其君簡公十四年孔子卒二十八年

獻公卒孝公立孝公十二年韓魏趙滅智伯

分其地

索隱曰按紀年智伯滅在成公二年

三晉彊十五年孝

公卒成公立成公十六年卒

索隱曰按紀年成侯名載湣

公立湣公三十一年卒釐立立

索隱曰年表作釐侯莊徐

廣云一無莊字按燕失年紀是其君名表言莊者衍字也是歲三晉列為

諸侯

索隱曰按紀年作文公二十四年卒簡公立十三年而三晉命邑為諸侯與此

不釐公三十年伐齊敗于林營

索隱曰林營地名於林地立

管故曰林營

釐公卒

索隱曰紀年作簡公四十五年卒妾也按

上簡公生獻公則此當是釐但立年又誤耳

桓公立桓公十一年

卒文公立

索隱曰系本已上文公為閔公則湣與閔同而上懿公之父又謚文

公是歲秦獻公卒秦益彊文公十九年齊威

王卒二十八年蘇秦始來見說文公文公予

車馬金帛以至趙趙肅侯用之因約六國為

說

從長秦惠王以其女為燕太子婦二十九年
文公卒太子立是為易王易王初立齊宣王
因燕喪伐我取十城蘇秦說齊使復歸燕十
城十年燕君為王索隱曰燕君即易王也言君初以十年即稱王也上言易王者易謚也後追書謚耳蘇秦與燕文公夫人私通懼
誅乃誅王使齊為反間欲以亂齊孫子兵法因敵間而用之也凡軍之所欲擊城之所欲攻人之所欲殺必先知其守將左右謁者門者舍人之姓名令吾之閒必索敵間之來易間我者因而利導舍之故反間可得用也

王立十二年卒子燕噲立燕噲既立齊人殺

蘇秦蘇秦之在燕與其相子之為婚而蘇代

與子之交及蘇秦死而齊宣王復用蘇代燕

噲三年與楚三晉攻秦不勝而還子之相燕

貴重主斷蘇代為齊使於燕

索隱曰按戰國策日子之使蘇

代侍質子於齊齊使代報燕是也

燕王問曰齊王奚如對曰

必不霸燕王曰何也對曰不信其臣蘇代欲

以激燕王以尊子之也於是燕王大信子之

製 複 許 不

NOT TO BE REPRODUCED

東京大学東洋文化研究所

子之因遺蘇代百金而聽

正義曰贊云秦以一溢為一金孟康

云二十四

其盼使鹿毛壽

徐廣曰一作屠毛又曰甘陵縣本名

屠○索隱曰春秋後語亦作屠毛壽又韓子作潘壽

謂燕王不如以國

讓相子之人之謂堯賢者以其讓天下於許

由許由不受有讓天下之名而實不失天下

今王以國讓於子之子之必不敢受是王與

堯同行也燕王因屬國於子之子之大重

按隱

曰大重或曰禹薦益已

索隱曰以已配益則謂尊貴或曰禹薦益已益已足伯益而經傳

無其文未知所由

而以啓人為吏

索隱曰人猶臣也謂

或以啓臣

為益吏及老而以啓人為不足任乎天下傳

之於益已而啓與支黨攻益奪之天下謂禹

名傳天下於益已而實今啓自取之今王言

屬國於子之而吏無非太子人者

索隱曰此人亦訓臣

也是名屬子之而實太子用事也王因收印

自三百石吏已上而效之子之

索隱曰鄭玄云效呈也以

印呈與

子之南面行王事而噲老不聽政顧

恐

為臣

索隱曰顧猶反也言曾反為子之臣也有本作願者非

國事皆決

於子之三年國大亂百姓惘怨

索隱曰惘猶痛也民皆恐

懼將軍市被

正義曰與太子平謀將攻子之

諸將謂齊湣王曰因而赴之破燕必矣齊王

因令人謂燕太子平曰寡人聞太子之義將

廢私而立公飭君臣之義明父子之位寡人

之國小不足以為先後

正義曰先後並去聲雖然則唯

太子所以令之太子因要黨聚眾將軍市被

園公宮攻子之不克將軍市被及百姓反攻

太子平將軍市被死以徇因構難數月死者

數萬眾人惘恐百姓離志孟軻謂齊王曰今

伐燕此文武之時不可失也

索隱曰謂如武王成文王之業

伐紂之時然此語與孟子不同

王因令章子將五都之兵

齊人見孟子○索隱曰五都即齊也按臨淄是五都之一

以因北地之眾

以伐燕

索隱曰北地即齊之北邊

士卒不戰城門不閉燕

君曾死齊大勝燕子之亡

徐廣曰年表云君曾及太子相子之

皆死。案汲冢紀年云：二年而燕人共立太子平，是為燕昭王。徐廣曰：魯立七年而死，其九年燕人共立太子平。○索隱曰：按上文太子平謀攻子之而年表又云君嘗及太子相子之皆死，紀年又云子之殺公子平。今此文云立太子平是為燕昭王，則年表紀年為謬也。而趙系家云：武靈王聞燕亂，召公子職於韓，立以為燕王，使樂池送之。裴駰亦以此系家無趙送公子職之事，當是遙立職而送之事，竟不就，則開王名平非職明矣。進退參詳，是年表既誤而紀年因之而妄。燕昭王於破燕之後即位，卑身厚幣以招賢者。謂郭隗曰：齊因孤之國亂而襲破燕，

孤極知燕小力少，不足以報。然誠得賢士以共國，以雪先王之恥，孤之願也。先生視可者，得身事之。郭隗曰：王必欲致士，先從隗始。況賢於隗者，豈遠千里哉？於是昭王為隗改築宮而師事之。樂毅自魏往，鄒衍自齊往，劇辛自趙往，士爭趨燕。燕王吊死問孤，與百姓同甘苦。二十八年，燕國殷富，士卒樂軼輕戰，於是遂以樂毅為上將軍，與秦楚三晉合謀以

伐齊齊兵敗湣王出亡於外燕兵獨追北入至臨淄盡取齊寶燒其宮室宗廟齊城之下者獨唯聊莒即墨索隱曰按餘篇及戰國策共無聊字其餘皆屬燕六歲昭王三十三年卒子惠王立惠王為太子時與樂毅有隙及即位疑毅使騎劫代將樂毅亡走趙齊田單以即墨擊敗燕軍騎劫死燕兵引歸齊悉復得其故城湣王死于莒乃立其子為襄王惠王七年卒索隱曰按

趙系家惠文王二十八年燕相成安君公孫操就其王樂資以為即惠王也徐廣按年表是年燕武成王元年武成即惠王子則惠王為成安君弒明矣此不言者燕遠諱不告或太史公之說陳也韓魏楚共伐燕燕武成王立武成

元

王七年齊田單伐我拔中陽十三年秦敗趙於長平四十餘萬十四年武成王卒子孝王立孝元王年年秦圍邯鄲者解去三年卒子今王喜立索隱曰今王猶今上也有作金者非也按諸法無金今王喜四年秦昭王卒燕王命相栗腹約歡趙以五百

金為趙王酒還報燕王曰趙王壯者皆死長

平其孤未壯可伐也王召昌國君樂間問之

對曰趙四戰之國正義曰趙東隣燕西接秦南錯韓魏北連胡貊故言

四其民習兵不可伐王曰吾以五而伐一索隱

曰謂五人對曰不可燕王怒羣臣皆以為可

卒起二軍車二千乘栗腹將而攻鄒徐廣曰在常山

今曰高邑○索隱曰鄒氏音次角反一音昊卿秦攻代正義曰今

國策云廉頗以二十萬遇腹於栗腹鄒樂乘以五萬遇慶秦於代燕人大敗與州不同唯

獨大夫將渠謂燕王曰索隱曰人名姓也一云上卿秦及此將渠

皆卿將官秦渠其名國史變文而書遂失與姓爾戰國策云慶秦慶是姓也卿其官耳與

人通關約交以五百金飲人之王使者報而

反攻之不祥兵無成功燕王不聽自將偏軍

隨之將渠引燕王綬止之曰王必無自往往

無成功王聽之以足將渠泣曰臣非以自為

為王也燕軍至宋子徐廣曰屬鉅鹿趙使廉頗將擊

破栗腹於鄒破卿秦樂乘於代樂間奔趙廉

頗逐之五百餘里圍其國燕人請和趙人不

許必令將渠處和燕相將渠以處和以將渠為相○

索隱曰謂欲令將渠處之使和也趙聽將渠解燕圍六年秦

滅東西周置三川郡七年秦拔趙榆次三十

七城秦置太原郡九年秦王政初即位十年

趙使廉頗將攻繁陽徐廣曰屬魏郡拔之趙孝成王

卒悼襄王立使樂乘代廉頗廉頗不聽攻樂

乘樂乘走廉頗奔大梁十二年趙使李牧攻

燕拔武遂徐廣曰屬河間方城徐廣曰屬涿有督亢亭劇辛故

居趙與龐煖善索隱曰煖音光遠反已而亡走燕燕見

趙數困于秦而廉頗去令龐煖將也欲因趙

弊攻之問劇辛辛曰龐煖易與耳燕使劇辛

將擊趙趙使龐煖擊之取燕軍二萬殺劇辛

秦拔魏二十城置東郡十九年秦拔趙之鄴

正義曰即相州鄴縣九城趙悼襄王卒二十三年太子

丹質於秦亡歸燕二十五年秦虜滅韓王安

置潁川郡二十七年秦虜趙王遷滅趙趙公

子嘉自立為代王燕見秦且滅六國秦兵臨

易水徐廣曰出涿郡故安禍且至燕太子丹陰養壯士

二十人使荆軻獻督亢地圖於秦索隱曰徐廣云涿有

督亢亭地理志屬廣陽然督亢之田在燕東其良沃欲獻秦故畫其圖而獻焉因襲

刺秦王秦王覺殺軻使將軍王翦擊燕二十

九年秦攻拔我薊燕王亡徙居遼東斬丹以

獻秦三十年秦滅魏三十三年秦拔遼東虜

燕王喜卒滅燕是歲秦將王賁正義曰賁音奔王翦子

亦虜代王嘉

太史公曰召公奭可謂仁矣甘棠且思之况

其人乎燕北迫蠻貉內措齊晉索隱曰措交雜也又作錯

劉氏云崎嶇疆國之間最為弱小幾滅者數爭錯也

矣然社稷血食者八九百歲於姬姓獨後亡

豈非召公之烈耶

索隱述贊曰

召伯作相 分陝而治 人惠其德
甘棠是思 莊送伯主 惠羅寵姬
文公約趙 蘇秦騁辭 易王初立
齊宣我欺 燕嘗無道 禪位子之
昭王待士 思報臨菑 督亢不就
卒見芟夷

燕召公世家第四

史記三十四

管蔡世家第五

史記三十五

管叔鮮

正義曰音仙括地志云鄭州營城縣今州外城即管國城也是叔鮮所封

也國蔡叔度者周文王子而武王弟也武王同

母兄弟十人母曰太妣

正義曰國語云杞繒二國妣姓夏禹之後

大妣之家太妣文王之妃武王之母烈女傳云太妣者武王之母禹後妣氏之女也在邵之陽在渭之涘仁而明道文王喜之親迎於渭造舟為梁及入太妣思任旦夕勤勞以進婦道太妣號曰文母文王理外文母治內太妣生十男教誨自少及長未嘗見邪僻之事言常以正文王正妃也其長子曰伯邑考次道持之也